



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 5. An ignorantia invincibilis cuiusvis legis etiam naturalis excusat à  
peccato formalí seu imputabili?

**urn:nbn:de:hbz:466:1-40986**

*igne non ardeat ... sed fortassis ut mihi  
us ardeat.*

*Resp. II.* Ignorantia affectata auget malitiam peccati. *Ita commun. cum S. Thom.* I. 2. q. 76. a. 4. nam illud auget malitiam peccati, quod reddit illud magis voluntarium. At ignorantia affectata hoc præstat: quia per illam directè, & expressè volitum est periculum peccandi nempe ipsa ignorantia, ex affectu liberiùs peccandi. Imò expressè volitum est quodvis peccatum ex ignorantia sequi natum: nam per illam homo vult ignorare, ut liberiùs peccet. Et aliunde peccatum sufficienter cognitum est saltem confusè nempe in ejus periculo directè volito. Hinc homo ob talē ignorantiam ut peccatum aggravantem arguitur Psal. 35. *noluit intelligere, ut bene ageret.* Præterea talis ignorantia in ordine ad imputabilitatem in estimatione prudenti æquivalet certæ scientiæ.

*Q. 5. An ignorantia invincibilis cuius-  
vis legis etiam naturalis excusat à  
peccato formalī, seu imputa-  
bili?*

*Resp. Aff.* Constat i. ex S. August. 1 3. de Liber. Arbit. c. 19. *Nontibi deputatur ad culpam, quod in vītū ignoras; sed quod negligis querere, quod ignoras.* Hinc paulò

paulò post docet ea , quæ malè fiunt ex tali ignorantia Juris naturalis , non esse nisi impropriè , & metaphoricè peccata , sicut lingua Græca , vel latina non dicitur nisi impropriè lingua . 2. ex S. Thom. I . 2. q. 76. a. 3. Si sit talis ignorantia , quæ omnino sit involuntaria , sive quia est invincibilis , sive quia est ejus , quod quis scire non tenetur , talis ignorantia omnino excusat à peccato . 3. Alex. VIII. damnavit hanc propos. Tametsi detur ignorantia invincibilis Juris natura , hac in statu nature lapsa operantem ex ipsa non excusat à peccato formalí . 4. Quia omne peccatum imputabile ut peccatum , est essentialiter voluntarium ut peccatum , seu in ratione peccati , ita ut nullo modo sit peccatum , si non sit voluntarium , ut docet S. August. At actus ex ignorantia invincibili factus contra legem , nullatenus est voluntarius prout opponitur legi , & ut peccatum , cùm ejus malitia non cognoscatur , nec cognosci potuerit vel in se , vel in ejus periculo : voluntarium enim est id , quod est à voluntare cum cognitione , vel actuali , vel virtuali , & interpretativa . 5. Quia alioquin homo teneretur ad impossibile , & damnari posset , quod non servaverit præceptum , quod omnino non potuit servare , cùm illud non potuerit cognoscere , nec proinde velle servare .

Q5

Obj.

**Obj.** 1. Ignorantia Juris naturalis fuit voluntaria in causa sua nempe in peccato originali, & voluntate Adami. **R.** Hoc non sufficit ad peccatum personale. Quia 1. Alex. VIII. damnavit hanc propos. In statu naturæ lapsæ ad peccatum mortale, & demeritum sufficit illa libertas, qui voluntarium, ac liberum fuit in causa sua, peccato originali, & voluntate Adami peccantis. 2. Dum ad omne peccatum requiratur voluntarietas, & libertas, ad omne peccatum personale requiritur voluntarietas, & libertas personalis. 3. Alioquin ea, quæ malè fiunt in phrænesi, & amentia imputarentur ad culpam, cum utraque sit effectus peccati originalis, sicut ignorantia.

**Obj.** 2. Ex Reg. Jur. *Ignorantia facti, non Juris excusat.* **R.** Hoc intelligi debet quoad præsumptionem fori externi, in quo non præsumitur quis ignorasse inculpabiliter, quod debuit scire: non autem quoad forum internum.

Ex dictis collige non excusari in actu, nisi malitia invincibiliter ignorata, non autem quæ fuit cognita, vel vincibiliter solum ignorata. Hinc occidens hominem, quem invincibiliter ignorat esse Clericum, reus est homicidii, non sacrilegii.

**Not.** Moralis malitia actus voluntatis duplex est, nempe materialis, & formalis. **Malitia materialis** consistit in disformitate,

ac disconvenientia actus cum natura rationali ut rationali, & lege divina. Formalis est materialis malitiae imputabilitas ad vituperium, & poenam. Nam si actus disconveniens naturae rationali, & legi fiat lebere, & cum cognitione, vel saltē cum ignorantia, aut inadvertentia culpabili malitia, hoc ipso malitia actus interni imputabilis est ad vituperium, & poenam: & sic actus est completere, & simpliciter moralis. Si autem non sic fiat, malitia materialis non potest imputari ad vituperium, & poenam, & sic actus non est nisi inchoate, & secundum quid moralis. Nam actus malus adaequatè moralis est actus disconveniens naturae rationali, & legi, imputabilis ad vituperium, & poenam. Porro praeter utramque actus interni malitiam est etiam malitia objectiva, quæ est specialis difformitas, ac disconvenientia, quam habet objectum cum natura rationali ut rationali, & lege divina.

Q. 6. *An datur ignorantia invincibilis Juris naturalis?*

Resp. I. Non datur neque circa prima principia morum, quippe quæ sunt per se nota, & cuiilibet rationis compoti per se obvia. Qualia sunt ista: *bonum est faciendum: malum fugiendum: Quod tibi non vis fieri, alteri ne feceris; Deus est*.